

## ASERCA ta bai maneha AIR ARUBA

ORANJESTAD(AAN) -- Tur cos ta muestra cu pronto lo tin un acuerdo concreto entre e companianan di aviasion venezolano ASERCA y e compania di aviasion Arubano, Air Aruba. Posiblemente e siman aki mes lo por firma e acuerdo aki. Awor aki ta poniendo ultimo man na e formulacion di e texto di e acuerdo. Esnan envolvi no kier a duna mucho detaye, pero ta parse cu e acuerdo ta encera cu e compania ASERCA ta bai tuma e manejo di Air Aruba pa su cuenta, pero cu e mayoría di compania ta keda den man di Aruba. Si esaki kier men di Gobierno di Aruba of empresa y personanan priva manera tabata e caso dia a lanta e compania no ta conoci. Si ta conoci cu gobierno di Aruba mes no ta desea di ta doño di un compania di aviasion y pa e motibo aki kier sali di tur responsabilidad di manejo y financiamiento di e compania priva aki. Desde 1992 cu e compania a cuminsa haya problema financiero gobierno di MEP / PPA

/ ADN y despues di AVP/OLA hunto a hinca mas cu 50 milyon florin den e compania. Pa basta tempo caba tabata busca un of mas compania pa participa den compra of maneja/financia Air Aruba, pero nunca por a yega na un acuerdo riba e debenan acumula. Diu banda di gobierno corectamente a nenga di tuma e debenan pa su cuenta, mientras cu semper a pone e interes di Air Aruba y di e trahadonan na promer lugar. E posicion aki no a haci e deliberacionnan cu ningun compania facil. Ta pa e motibo aki tin un interes grandi pa conoce e condicionnan di e acuerdo cu ASERCA di Venezuela. Di fuientenan cerca di Air Aruba, DIARIO por a haya sa si cu un reorganizacion di e compania ta inevitabel. Esaki ta nifica cu lo mester baha gasto y aumenta e eficiencia y confiabilidad comercial di e compania pa garantisar su sobrevivencia y exito den futuro. Den careda di e siman aki ta spera di sa mas di e acuerdo aki.

## St. Aloysius School di bishita na Air Aruba



ORANJESTAD (AAN): For di mainta te cu merdia klas 3a y b di St. Aloysius School di Noord tabata di bishita na Air Aruba. Nan a bishita oficina principal na Wayaca caminda nan por a interrumpi un reunion ehecutivo unda sr. Karel van der Linden di Interim-Management a yama nan bonbini. Tambe nan a bishita

e departamento caminda a bishita oficina di Reservacion y Benta di pasashi y tambe Check in counter. Despues nan a aborda e MD-88 di Air Aruba caminda nan a haya un demostracion di seguridad di vuelo y tambe un grupito a haya amplio splicacion di e cockpit. Naturalmente como pasajero nan a worde ofreci

un sandwich, juice y chuculati y na final a haya un recuerdo di nos compania nacional di aviacion. Gradicimento ta bay na tur empleado cu a contribui pa haci e dia aki inolvidabel y tambe na Aldo Travel Bureau y Galloway Corporation pa nan valioso contribucion. Nan tur encanta luciendo T-shirt di Air Aruba.

# Boolechand's

SINCE 1930

## Main Street

Tremendo Campaña pa

**"VAKANTIE GRANDI"**

Riba:

  
**JUST DO IT.**

**Timberland**

Paña pa Caballeros di  
Marcanan Renombra

Cu cada compra di Afl.100,=  
Bo por partici pa gana un  
**COMPUTER/PRINTER!!!**  
(sorteo di 4 Sept'98)

